

ւորը իր արժանի պատիժն էր ստանում: Բայց հիմա գողը մնում է իր համար ազատ, եւ բոլորովին անմեղ մարդկանց տանում են, դնում ծակը, եւ այն էլ գիտե՞ք ինչի համար, որ փող առնեն, յետոյ բաց թողն են: Դատաւորը երկու կողմից եւս շահւում է, նախ, գողի հետ ընկեր լինելով, բաժանում է նրա հետ կողոպուտը եւ նրան չի դիպչում, երկրորդ, անմեղ մարդկանց չարչարում է՝ նրանց կողոպտելու համար: Այստեղ արդարութիւն կայ: Երկրի համարեա բոլոր կառավարիչները ամեն գործերի մեջ այդպէս են վարւում:

Նա կրկին լցրեց իր ծխաքարշը, սկսեց ծխել: Կարծես, դառն ծխի հետ աշխատում էր նա թափել իր սրտի մաղձը:

— Լաւ էր առաջ, — շարունակեց նա, — շատ լաւ... Մեր անասունները ազատ-համարձակ մեր սարերի վրայ արածում էին. մեր վրանները, որտեղ ցանկանում էինք, այնտեղ էինք կազմում: Երկիրը դեպի ամեն կողմ բաց էր մեր առջեւ: Զիմա ամեն տեղի վրայ սահման դրոեցաւ. այստեղը, ասում են թագաւորական է, այնտեղը, չգիտեմ ումն է պատկանում, եւ բոլորից վատ-թարն այն է, որ ամեն բանի վրայ հարկ է դրոել. մի ամսական փոքրիկ գառն անգամ, աստծոյ խոտը արածելու համար, պետք է հարկ վճարէ: Ո՞վ է տեսել մի այդպիսի բան:

Նա նայեց իր շուրջը, տեսնելով՝ արդեօք ուշադրութեամբ լսում են իրան, թէ ոչ: Այդ միջոցին նա ինձ ներկայանում էր որպէս մի քարոզիչ, որը ե՛ւ խօսում էր, ե՛ւ դիտում էր իր ունկնդիրների դեմքի արտայայտութիւնները, թէ ի՞նչ ազդեցութիւն է գործում նրանց վրայ իր քարոզը:

— Ամեն ինչ, որ լաւ էր, բարի էր, խլեցին մեզանից, — առաջ տարաւ նա, — փոխարենը տոեցին զեխութիւն, շռայլութիւն, անբարոյականութիւն միայն: Մենք ապրում էինք մեր նախահարց պարզ կեանքով, կերակրւում էինք մեր անասունների իւղով ու պանրով, խմում էինք մեր լեռների մաքուր ջուրը: Մեզ սովորացրին փլաւ ուտել, շերբեթ ու դահոռ խմել, եւ որ աւելի չարն է՝ արաղ խմել: Մեր կանայք մեր անասունների բուրդից իրանց ձեռքով էին պատրաստում մեր հագուստը. թէ՛ ազնուականի կինը եւ թէ՛ գռեհկի կինը երբեք չէին խորշում թելից ու ասեղից. իլիկն ու ջահրեն երկուսի ձեռքում եւս ամբողջ օրը պտտւում էր: Զիմա մեր կանայք օսմանցու յարեմի ծոյլ եւ փափուկ խաթուններ են դարձել, իսկ մեզ սովորեցրին մետաքս հագնել, կարմիր մահուդ հագնել, ոսկի թելերով զարդարել մեր հագուստը: Մեր կանայք այժմ սովորել են իրանց երեսները ներկել զանազան դեղերով, սովորել են աստծոյ շնորհած գեղեցկութիւնը կեղծել, խարդախել: Մեր տղամարդիկ չեն ամաչում կանանց նման իրանց մագերին գոյն տալ հիւսայով եւ իրանց աչքերը սեւացնել սուրմայով: Երբ որ զուգած, զարդարոած մի երիտասարդ